



Broj: 03/1-50-14-7-48/18

Sarajevo, 27. 7. 2018.

PREDMET: Sastanak članova Zajedničke komisije za odbranu i sigurnost BiH s članovima Komiteta za odbranu i sigurnost i Potkomiteta za odbrambene sposobnosti i budućnost sigurnosti Parlamentarne skupštine NATO-a, Sarajevo 16. april 2018.

Članovi Komiteta za odbranu i sigurnost i Potkomiteta za odbrambene sposobnosti i budućnost sigurnosti Parlamentarne skupštine NATO-a (PSNATO) razgovarali su 16. aprila 2018. s članovima kolegija oba doma Parlamentarne skupštine Bosne i Hercegovine, članovima Zajedničke komisije za odbranu i sigurnost BiH i članovima Delegacije PSBiH u PSNATO-a.

U ime Zajedničke komisije za odbranu i sigurnost BiH sastanku su prisustvovali: Sifet Podžić, predsjedavajući, Borjana Krišto, zamjenica predsjedavajućeg, Bariša Čolak i Šemsudin Mehmedović, članovi ZK, te Boško Šiljegović, parlamentarni vojni povjerenik BiH.

Cilj posjete bio je da se s ključnim političkim akterima u BiH razgovara o aktuelnoj političkoj i sigurnosnoj situaciji u Bosni i Hercegovini, zatim da se sagleda stanje u sektoru odbrane i sigurnosti BiH kao i status procesa evropskih i euroatlantskih integracija. Tokom razgovora gosti su imali priliku da se upoznaju s različitim viđenjima aktuelnog trenutka u našoj zemlji i njenog puta ka članstvu u NATO.

Predsjedavajući Zajedničke komisije za odbranu i sigurnost BiH Sifet Podžić istaknuo je da je trenutak da se s našim partnerima iz NATO-a redefinira zaključak o potrebi registracije vojne imovine i da se uvidom u realnosti na terenu konstatira da je proces uknjiženja vojne imovine počeo te da će se provođenjem MAP-a doći do željenog cilja.

Podžić je dodao da bi aktiviranjem MAP-a za Bosnu i Hercegovinu NATO poslao snažnu poruku o našim dosadašnjim naporima i činjenici da proces više ne može stajati.

Na pitanje predstavnika delegacije PSNATO-a šta NATO može učiniti kako bi se naša zemlja približila MAP-u i dalje napredovala na tom putu, zamjenik predsjedavajućeg Predstavničkog doma Šefik Džaferović je tokom sastanka, između ostalog, zatražio da ova alijansa ostane privržena Bosni i Hercegovini i njenom putu ka NATO-u jer je to članstvo bitan faktor sigurnosti i za BiH i za širi region. On je pri tome podsjetio da je riječ o ispunjenju strateškog opredjeljenja naše zemlje koje je bespogovorno prihvaćeno i utvrđeno kao sastavni dio uspješno provedene reforme Oružanih snaga BiH.

Članovi Komiteta za odbranu i sigurnost i Potkomiteta za odbrambene sposobnosti i budućnost sigurnosti Parlamentarne skupštine NATO-a radnu posjetu Bosni i Hercegovini obavili su nizom susreta s najvišim zvaničnicima Ministarstva odbrane BiH, Ministarstva

sigurnosti BiH, Zajedničkog štaba OSBiH, predstavnicima akademske zajednice i nevladinog sektora kao i komandantima Štaba NATO-a u Sarajevu i EUFOR-a za BiH.

PREDSJEDAVAJUĆI KOMISIJE
Sifet Podžić

Dostavljeno:

- naslovu
- a/a